



education

Department:
Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

FEBRUARY/MARCH 2009

EMAMAKI: 100

SIKHATSI: 2½ ema-awa

Leliphepha linemakhasi lasi-5.

TICONDZISO KULABAHLOLWAKO

1. Leliphepha lehlukane kwe tigiaba letintsafu:

SIGABA A: Indzaba. Labahlolwako baphoccelelekile kutsi bacale ngeluhlaka. (50)

SIGABA B: Ematheksthi emibhalombiko (30)

SIGABA C: Ematheksthi laticukatsilwati/ tibonwa/naletisebentisa tinhlobo letehlukene tekuchumana (20)
2. Labahlolwako balindzeleke kutsi baphendvule munye umbuto esigabeni A, munye esigabeni B namunye esigabeni C.
3. Cala leso naleso sigaba ekhasini lelisha udvwebele emva kwaleso naleso sigaba.
4. Shiya umugca emkhatsini wetimphendvulo takho.
5. Bhala ngebunono nangesandla lesifundzekako kusita labatawuhlola umsebenti wakho.
6. Caphelisisa sipelingi nendlela yekwakha imisho.

SIGABA A: INDZABA**UMBUTO 1**

Bhala indzaba ngasinye saletihloko letilandzelako ibe ngemagama langema-340 – 390.


- 1.1 Tinkinga letitsikameta emalungiselelo emidlalo yendzebe yelibhola lemhlaba yanga-2010.

[50]**NOBE**

- 1.2 Kukhona labatsi lisiko lekuhlolwa kwemantfombatane nelekusokwa kwebafana kufanele avalwe. Ngabe uyavumelana yini nalombono? Indzaba yakho ayicondzane nalinnye lalamasiko

[50]**NOBE**

- 1.3 Bhala indzaba ucondzise kulesitfombe lesingentasi. Yinike sihloko lesifanele indzaba yakho.

**[50]****NOBE**

- 1.4 Ngekubona kwakho yini lokungentiwa kucinisa tekuphepha etikolweni. [50]

NOBE

- 1.5 Umdlalo wemancamu welibhola letinyawo emkhatsini wemacembu lamakhulu akuleli. [50]

NOBE

- 1.6 Lengikutsandzako nalengingakutsandzi kumtsetfosisekelo walelive. [50]

SAMBA SIGABA A: 50

SIGABA B: EMATHEKSTHI EMIBHALOMBIKO

UMBUTO 2

Khetsa kunye kulokulandzelako ubhale ngako ngemagama lali-100 – 120.

- 2.1 Kushone umzala wakho, lobekanguthishelanhloko, engotini yemoto. Wena njengelilunga lemndeneni ucelwe kutsi ubhale umlandvomufi. Wubhale. [30]

NOBE

- 2.2 Umngani wakho usesibhedlela. Bodokotela batsi tinso takhe tonakele, ngako-ke kutawudzingeka kutsi afakelwe lenye inso. Wena utsetse sincumo sekunikela ngenso yakho, kute umsindzise. Bhala inkhulumomphendvulwano emkhatsini wakho nemtali lapho umatisa khona ngalesincumo sakho [30]

NOBE

- 2.3 Bhala incwadzi ubhalele malume wakho lokukhulisile waze wacedza sikolo umbonge. [30]

NOBE

- 2.4 Endzaweni yakini kuniketwa kwetinsita ebantfwini akwenetisi. Ummango ubone kuncono kutsi kube nemhlangano kudzingidza lenkinga. Bhala luhlelo nemaminithi alomhlangano. [30]

SAMBA SIGABA B: 30

**SIGABA C: EMATHEKSTHI LATICUKATSILWATI/TIBONWA/NALETISEBENTISA
TINHLOBO LETEHLUKENE TEKUCHUMANA**

Khetsa kunye kulokulandzelako ubhale ngako ngemagama langema-80 – 100.

- 3.1 Bhala likhadi lesimemo umeme libandla lakho emsebentini wekukhipha umntfwana endlini. [20]

NOBE

- 3.2 Kutawube kuvulwa litje lesikhumbuto lamkhulu wakho. Umndeni umeme tihlobo takhashane. Bhala inkhombandlela lotabafumelela yona. [20]

NOBE

- 3.3 Libandla lenu lihlele lidzili lemculo lapho kumenywe khona baculi betenkholo labadvumile kute licokelele imali yekwakha indlu yelisontfo. Bhala iphosta watise ummango ngalekhonsathi. [20]

SAMBA SIGABA C: 20

SAMBA: 100